

اداره مخصوصه

درسعادتده ياب على جوارنده

محل اداره :

مُتَابَعَاتُ قُرْبَانِ

۱۳۲۶

اخطار :

مسئله گزیده موافق آثار جدیدہ مع المنونہ
قبول اولنور
درج ابدلہ بن آثار اعادہ اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بمطابق ايدر و هفته ده بر دفعه نشر اولنور.

صاحب و مؤسسى :

ابوالعلا زين العابدين — ح. اشرف اديب

آبونه بدلى

سنه لکى

هر طرف ايجون

غروش

التى آيلنى

۴۰

۸۰

تاریخ تاسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ابله کوندر بلیسه سنوی

۲۰ غروش فضله آلنیر

و حظوظ شخصیة یولیه استیفا ایدیلورکه بوجمله قطع مراتب ایدن ذوات مدنیت کامله لوازمی استحضار ایدر و کندی درجه سنه و اصل اولان اخوان وجدانیله بین الانسان قواعد و دو محبتی احیا و اصول حق و عدالتی نشره موفق و مقتدر اولورلر.

ذاتاً سعادت انسانیه تک نهایت دنیویه سی، حکما و عقلانک اقصای مساعیسی ده بونقطه در.

بوعقیده درکه، انسانی احوال حیاتیه و معاشرت نوعیه ده حیوانات و حشبه و سباع ضاریه دن فرق و تمییز ایدر. بونلر و امثالی و حوش و بهائم، حشرات و سواثم، دشمنلرینک مضرتی مدافعه خصوصنده بر اصول معقول اتخاذیله حفظ حیاته مقتدر اوله مدقلمدن دائمخوف و دهشت و فزع و وحشت حالنده تک و تنها اصرار حیات ایدرلر.

بوعقیده درکه، ابنای بشری یکدیگری بی باع و افتراسه باعث اولان تناصر و تقاطعی زجر و ازاله ایلر.

بو حاللر علی الاکثر بیانی جانورلر، پیرنجی حیوانلر آره سننده وقوعه کلور.

ایشته بوعقیده درکه، صاحبی خسائس صفات ایله مخلوق اولان حیواناته مشاکلتدن منع ایدیور.

بوعقیده، فکری تشحید ایله حرکاتی اصلاح، عقلی تربیه ایله قوتی تعدیل، نفسی تهذیب ایله اوساخ رذائلدن تطهیر ایدیور.

ایسترایسه کز، بوعقیده بی انکار ایدنلرک، انسانی ده سایر حیوانات کبی ظن ایدنلرک، احواله نظر عبرت و عین بصیرتله بر بافکیز، نلر کور رسکیز: دنائتلرک، سفالتلرک، فجورک، شرورک، انواعی و صوک درکاتی.

البته حیوانیت منزله سنه سقوط ایتکه عقلک حرکات فکریه- سنه توقف عارض اوله جنی بر امر طبیعی در.

*
**

ایکنی عقیده تک لوازمی: بر قومک منسوب اولدینی امت اشرف ام اولدینی و مخالفینک باطل طریقسه سالت نوله قوی اعتقادده بولنمسی، افرادی اوصاف فاضله، و مفاخر ملیده ام سائر ایله مجد و تعالی مسابقلرینه دعوت و عقلی، نفسی، معاشی، معادی، هر دلرلر مزایای اجتماعیه اقسامنده دیگر اقوامه تقدم و تغلب ایچون اتفاق و اتحادده ترغیب ایدر.

بوعقیده اربابی مغل عز و شرف اولان حرکات ردیه دن کندیلری احتراز ایتدکری کبی اخر طرفدن نه نفسلری و نه ده ابناء ملتی اوزرنده ظلم و تعدی وقوعه قطعاً راضی اوله مازلر. بو ذاتی ملیتلرینه یا قشدیره مازلر.

انلر بشقه افوامده کوردکری معالی و مفاخرک ده اعلای و ده اکلنی کنندی ملتلرنده کوره مزلسه دلخون اولورلر. و شان انساندن معدود اولان هر کونا علو و سعادت هر قومدن زیاده کنندی امتلرینه لایق کوررلر.

بو اعتقادده بولنان کسه ملتی دهرک نواب و مصائبی التنده ذلیل

خالصیندن آیره حق فکر نقاد ادبیانه لریدر. افکارمک خطا اولان جهتلری صرف شخصیه راجعدر. صواب اولانلری ایسه ملتک محصه افکارندن مقتبس اولدینی ایچون بنده کزه بر مزیت زانده بخش ایتز.

احمد نعیم

دینک فوائد مدنیه سی

دین، عقول انسانه باشلیجه اوج عقیده تلقین. و نفوس بشری دیگر اوج خصیله ترین ایدرکه، بونلردن هر بری موجودیت مایه تک دعائی، هبت اجتماعیه تک قوائمی، و مدنیته ده اساس محکمیدر.

بونلردن هر بری جمیع شعوب و قبائلی منتهای کاله طوغری ایلرولمکه سوق، و طریق سعادتده تفوقه تشویق ایدر.

بونلردن هر بری، نفوس بشری ایقاع شرو شقاقدن، ایجاد اختلاف و نفاقدن مانع برر قوتدر.

برنجی عقیده: انسانک «ملک ارضی» اشرف مخلوقات اولدیفنه اینانمسی.

ایکنی عقیده: هر دین صاحبی کندی ملتک اشرف ام اولدیفنه مخالفلرینک بر طریق باطله سلوک ایله دوچار ضلال اولدقلمینه قانع اولسی.

اوجنجه عقیده: انسانک، ده اواسع ده اعالی دیگر بر طله عروج، و مکاره و متاعیله دارالاحزان و بیت الآلام اطلاقه شایان اولان تنکنای فنادن مدتی توکنمز، سعادتی ایتز، الم و کدردن حالی رفسحتقزای بقایه انتقالی خصوصده لازمکلان فضائل و کالانی تهشبه و احضار ایچون، بو عالم حیاته کلدیکنه قائل بولنمسیدر.

بعقاید ثلاثه تک هبت اجتماعیه و مدنیت صحیحه اوزرنده اولان تأثیرات جایبه و فوائد جمیه سننده غفلت ایدیلمه ملیدر.

انواع و افراد اسان ارسنده روابط و مسالمتک، حسن معاشرتک اصلاح و اداممسی ایله جنس بشرک بقای سعادتی تأمین، و هم امی کالات عقلیه و فضائل نفسیه مراتبنده تکامله اماله و ترغیب ایدن شو اوج عقیده در.

بو عقاید ثلاثه دن هر برینک کندینه مخصوص بعض لوازمی وارددر.

برنجی عقیده تک لوازمی: انسانک اشرف مخلوقات «ملک ارضی» اولدیفنه اینانمق بهممه حال خصال بهمیه دن توفی و صفات حیوانیه دن اجتناب ایتمسی استلزام ایدر.

شبهه یوقکه، بو اعتقاد هر کیمده بقدر قوتلی اولورسه حیوان صفتی اکتسابدن اودرجه نفرت ایدر.

و شبهه یوقدرکه، بونفرت نه مرتبه شدتلی اولورسه روح بشر او نسبتده عالم عقلیه به تقرب ایدر.

عقل بشر کسب علویت ایتدکجه حقوق مدنیه اصولیه ایفا

و مقهور، و مزیات ترقی و تمدن مهجور، بر حال فلاکتده کوررایسه ارتق حیت طمارلری طورماز . قلبنه سکونت کلز . بر لحظه راحتده استقرار ایده مز . بتون حیاتی وجود ملته عارض اولان او فلاکتک تداویسنه حصر ایدر . چاره ساز اوله مازسه یأسندن اولور کیدر . ایشته بو عقیده بتون ملترک منتهای تمدنه وصولی ایچون اک صادق ناصری ، طلب علوم و توسیع فنون ایله ابداع صنایعده اک مؤثر مروجی در . بر آسر مجبر ، برولی عادل ، بر مستابد قاهر دن زیاده ملتی منازل عالیه و مقامات رفیعیه ایصاله قادر در .

قلبنده بو اعتقاد مفقود اولان بر قومک حیاتی تأمل ایدکنز . اطوار و افعالنده فتور ، هم و مساعیدسنده قصور ، قوتلرینک ضمه تبدل ، ممالککترینک فتر و مسکننه مقر اولدیغنی کوره جک ، و ذلت و سفالت اوچور و مارندن یوارلتمقده اولدقلرینه اجیه جقسکنز . هله جهلاک تسلط و تحکمی ایله کندیلرینی ملل سائره دروننده طوتانلرک وای حالنه .

مرحوم شیخ جمال الدین افغانی

مصر مفتیسی مرحوم شیخ محمد عبده نك استادی

مترجمی

طربزون مبعوثی خطیب زاده امین



شریعتہ خدمت : مجله جمعیتی

(صراط مستقیم) ده اجتهاده دائر نشر اولنان مقاله لری تعقیب ایدنلر لزوم تشکیلی مجلس مبعوثانجه قرار کیر اولان مجله جمعیتک اهمیتنی تقدیر ایدرلر .

مجلسمزک بو تصویری عصر لردن بری عالم اسلامی تعالیدن ترقیدن محروم براقان بر داء عضالک تشخیص ایدلش اولدیغنی کوستریر . شریعت مبعوله مزک سعادت دارینمزی تمامیله تکفل ایتش اولدیغنه قانع و مطمئن بولندیغمزدن معاملاتمزک کافه سنی حکم شرعی به ربط ایتک نتیجه مسعدت بخشاسنی تأمین ایده جک اولان بو تشبثی عالم ایمان عظیم مسرتلرله قارشولایه جقدر .

آرتق بو کون انکار اولمز حقیقتلردندرکه شرع شریفه انسال متأخره نك جدیر تقدیر بر خدمتی سبق ایتماشدر . بالعکس شان و شرف مؤبدینی اخلاسه یاتمهک ایچون نه یابلحق لازم کلورسه جاهل دوستلر هان هپسنی اجرادن چکنه ماشلردر . صوک وقنه مؤسفهده بمض صافدلرک حرکات فسادیه به اشتراکی بو قیلدن دکلیدر ؟

شریعتہ خدمت امنیه سی بر نیت مبعوله در بونی تقدیر ایتیه جک صاحب ایمان تصور اولنه مز . فقط خدمتک یولنی بیلمک لازمدر . بعض منسافلرک مؤمنلر آره سنه تفرقه دوشورمک مقصد ملعو . نانه سیله متجاسر اولدقلری بر طاقم نفاق جو و فساد آمیز نشریاته

ربط قلب ایلمکله بو خدمت ایفا اولنه مز . زیرا دوشونملی یز که معین و مشروع بر نتیجه تأمل ایدلمکسزین وقوعبوله جق نشبثلر هر زمان خبته محکومدر .

بر کره ایستیلان شیء ، تأمل ایدیلان غایه معلوم اولملی و اکا کوره او نتیجه بی اعداد و تأمین ایدر جک اسباب ، مقدمات تریه ایدلملیدر غایه شریعتہ خدمت اولنجه بو خدمتک نه صورتله ایفا اولنه جنی دوشونلملیدر . بو کون اعتقاد مزجه شریعت مزه خدمت ازمنه اخیرده حدو ثیافته اوله رق بر حکم شرعی به ربط ایدلمکسزین یک چوق دین قارداشلر مز طرفندن یاییله کلکده اولان و عامللرنجه دائما احتیاج و ضرورتندن بحث اولنان افعال و معاملاتک امکان و ارسه ولوکه بر قول ضعیفه مبتنی بولانسون حکم شرعی به ربط اولنمسنی ، اولمادینی تقدیرده حقیقت حلاک بتون دین قارداشلر مزه اعلان ایدلمسنی تأمین ایده جک اسبابی تهیسه ایله اولور . زیرا خلقک افعالندن بر قسمی خارج از شریعت قاله جقنه او افعالک ولوکه قول ضعیف ایله اولسون شر . یعتده داخل صورتیله یابلمسندکی فوایدی تقدیر ایتیه جک بر محب شریعت تصور اولنه مز . ایشته تشکیل اولنه جق مجله جمعیتک مساعیسندن بز بویله نافع ثمره لر بکلوروز .

شبهه یوقدرکه بو وظیفه مهمه بی درعهده ایده جک ذواتک هر صورتله وثوق و اعتماد شایان صالح ، متقی ، ورع ذوات محترمدن اولسنه بغایت اعتنا اولنه جقدر . حتی بو باده یالکز ممالک محروسه عثمانیهده بولنان فقهاء عظام ایله اکتفا اولنیرق اسلاملرک توطن ایدلکاری قطعات و ممالکک کافه سنده اشتهار ایدن کزیده فقهانک دخی دعوت ایدیله جکنی امید ایدیوروز بویله بر هیئت عالیه ال برلکیله کیجه لی و کوندوزلی چالیشهرق بشریتک احتیاجات حقیقیه . سنک کافه سنی الی ماشاء الله تعالی تأمین کافل و کافی اولان شرع مینمزک قواعد مبعوله سنی و رخص و عزائم حقنده کی نقاط نظرینی تدقیق ایدرایسه بومساعی شبهه سز بتون انسانلر ایچون بر اساس سعادت احضار ایده جکدر .

زیرا شریعت مز معقوله ذره مانافی اولمادینی کی بالعکس تضایای عقلیه نك اصابتی حقنده قلبی تأمین ایده جک بر ماهیت جلیله بی حائر در . عقول بشر متفاوت اولدیغندن هر معقول کوریلار شیتک وهاله اصابتی ادعا اولنه مز . شریعتہ موافقی اصابتی حقنده امنیت بخش اولور . بو قبیل خدمتلردرکه شریعت مزک ماضیده اولدینی کی مستقبل ایچونده اقوام فاضله نك حقوق مدنیه سنه بر منبع فیوضات اولدینی سعادتتی بزه کوستریر . باخصوص بویله بر جمعیتک باب مشیخته انقادی عالم اسلام ایچونده یک نافمدر . مقام خلافت اولان مربوطیت معنویه بر قاندها کسب تقویت ایدر . فقهاء مشار الیه مک عربجه به وقوفلری طبیعی اوله جنندن مخالفت السنه کی محاذیر متصور دکلدر . شونیده اونوتاملی یز که شدائد استبداد خلقده کی حس استفتانک تجلیاتنه مانع اولمش و سلطان عبدالعزیز خان مرحومک خلی حقنده کی فتوای شریفک ایراث ایدلیکی دهشته خلقه فتوی کله سنی تلفظ